

Na osnovu člana 90. Zakona o javnim nabavkama Bosne i Hercegovine ("Službeni glasnik BiH" br. 39/14), a nakon provedenog Direktnog sporazuma, zaključen je

Ugovor

o nabavci materijalno analitičkog softvera za ugostiteljstvo sa fiskalnim kasama

I UGOVORNE STRANE

KJP ZOI'84 OCS d.o.o. Sarajevo

Sjedište: Alipašina bb, 71000 Sarajevo
Koje zastupa v.d.direktor prof.Kenan Magoda
Identifikacijski broj: 4200347000004
(u daljem tekstu: Kupac)

i

CONFIG d.o.o.Mostar

Sjedište: Kneza Višeslava bb (Poslovna zgrada testera)
Koga zastupa direktor Ivan Dragoje
Identifikacijski broj: 4227431980001
Transakcijski broj banke, ime i sjedište banke: 3381002202480858, Unicredit Bank d.d. ,
Kardinala Stepinca bb
(u daljem tekstu: Prodavac)

II PREDMET UGOVORA

Član 1.

Predmet ovog Ugovora je nabavka, isporuka i instalacija materijalno analitičkog softvera za ugostiteljstvo sa fiskalnim kasama prema pozivu Kupca, broj: 2168/19 od 15.08.2019. godine i ponudi Prodavca od 16.08.2019. godine, koji su u prilogu ovog Ugovora i čine njegov sastavni dio.

Član 2.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Kupca: Azur Prčić, tel: 061/058-255;
- za Prodavca: Admir Karahmet, tel: + 387 63 280 882.

III CIJENA I NAČIN PLAĆANJA

Član 3.

(1) Ukupna vrijednost predmetnog ugovora iznosi **5.896,05 KM** (Slovima: pethiljadaosamstotinadevedesetšest i 05/100 konvertibilnih maraka) bez uključenog PDV-a, odnosno **6.898,37 KM** (Slovima: šesthiljadaosamstotinadevedesetosam i 37/100 konvertibilnih maraka).

(2) Robe iz člana 1. ovog Ugovora će se plaćati prema utvrđenim pojedinačnim cijenama iz ponude Prodavca od 16.08.2019. godine, koje se neće mijenjati tokom ugovornog perioda.

(3) U cijenu iz stava (1) ovog člana su uključeni troškovi nabavke, isporuke, instalacije, tesiranja i puštanja u rad predmeta ugovora.

Član 4.

(1) Kupac će izvršiti plaćanje u roku od 30 dana od dana prijema fakture od strane Prodavca.

(2) Prodavac će ispostaviti fakturu nakon isporuke, instaliranja, testiranja i puštanja u rad predmetnih roba i kvalitativnog i kvantitativnog prijema istih od strane Kupca.

(3) Prodavac se obavezuje da u roku od sedam dana od stupanja Ugovora na snagu da isporuči, instalira, testira i pusti u rad robe koji su predmet ovog Ugovora.

(4) Ugovorne strane su saglasne da se isporuka, prijem i instalacija roba koja su predmet ovog Ugovora, odnosno implementacija predmetnog sistema vrši na lokaciji Kupca poslovni objekat Beneton, Bjelašnica.

(5) Ukoliko Prodavac ne bude na ugovoreni način i u ugovorenom roku izvršio sve ugovorene obaveze, dužan je Kupcu platiti na ime ugovorene kazne penale od 1 ‰ (jedan promil) od ukupno ugovorene cijene, za svaki dan prekoračenja roka izvršenja usluge, a najviše 5 % od ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

(6) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti

(7) Plaćanje ugovorene kazne (penala) ne oslobađa Prodavca od njegovih obaveza da isporuči robu, niti ga oslobađa od nekih drugih obaveza i odgovornosti po ovom Ugovoru.

Član 5.

(1) Garancija za predmetnu robu je 12 mjeseci, a za izvršenu uslugu instalacije 3 mjeseca. Garantni rok podrazumijeva otklanjanje svih zastoja i izmjena u softveru po zahtjevu Kupca koji bitno mjenjaju obim, koncept i namjenu softvera. Garantni rok podrazumijeva ispravku svih grešaka u sistemu koje obuhvataju greške u svim dijelovima sistema.

(2) Prodavac je obavezan da u toku garantnog roka izvrši reinstalaciju sistema uslijed grešaka na hardveru sistema ili potrebe Kupca za njegovom izmjenom. U sklopu garantnog roka Prodavac će obezbjediti mogućnost tehničke podrške (telefonski, emailom) za administratore i ključne korisnike sistema.

(3) U slučaju nedostataka koji su pokriveni garantnim rokom Prodavac jamči da će bez odlaganja započeti intervenciju, a najkasnije u roku od 24 sata od trenutka prijema zahtjeva od Kupca, kako bi se nedostatak otklonio u najkraćem roku bez dodatnih troškova za Kupca.

(4) Garantni rok počinje teći od dana kvalitativnog i kvantitativnog prijema predmetne robe.

IV STUPANJE NA SNAGU I RJEŠAVANJE UGOVORA

Član 6.

Ovaj Ugovor stupa na snagu danom obostranog potpisivanja od strane ovlaštenih lica ugovorenih strana.

Član 7.

Svaka ugovorna strana može pokrenuti postupak raskida sporazuma ako druga strana ne izvršava preuzete utvrđene obaveze, uz otkazni rok od 15 (petnaest) dana.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

V OSTALE ODREDBE

Član 9.

Prodavac nema pravo u svrhu izvršenja ovog ugovora da zapošljava, fizičke ili pravne osobe koje su bile uključene u pripremu TD ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 10.

Za sve što nije regulisano ovim Ugovorom primjenjivat će se odredbe propisa kojima se reguliraju Zakonu o obligacioni odnosi u Bosni i Hercegovini.


Član 11.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i upisanoj formi.

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca



Ivan Dragoje, direktor

CONFIG
d.o.o.
MOŠTAR

Za Kupca




prof. Kenan Magoda, v.d.direktor

Datum: 22.08.2019. godine

Broj: 524./2019.

Datum: 26.092019. godine

Broj: 2527/19